



МЕСЯЦА ЯНВАРЯ В 16-Й ДЕНЬ

Поклонение честных вериг святого и всехвального апостола Петра

На Господи, возвах: стихиры на 6, глас 4.

Подобен: Яко добля:

Прелесть связал еси, по Господе вяжемь, / и в темнице, апостоле, заключаемь. / Темже ты любовью почитаем / и верою вериги облобызаем твоя: / от нихже почерпающе здравие телесе и души спасение, / по долгу восхваляем тя, Боговидче, / безплотных собеседниче.

Тобою разум приемлют неразумием одержимии, / языков многосеменнии роди первее, / ихже образ показа, с высоты носимь, / сосуд, внутрь вмещающ всякое животное, апостоле. / Темже всяк тя возраст славит, / поклоняяся, яже носил еси, веригам, / за Христа усерднейше.

Егоже отверглся еси, судима, / воставша воспел еси из мертвых, апостоле, / и проповедал еси в концех мира, / Бога же и Человека, / благодатию мною земным приобщившася. / Темже любовью ты блажим, Петре, / поклоняющеся, яже носил еси, веригам, / за Христа, преславне.

Слава, глас 6. Византиево:

Днесь нам основание Церкви, / Петр — камень веры / предлагает честныя своя вериги в душевное благочестие. / Приидите вси, сия облобызающе, / благохвальными песнями того увенчаем: /

ра́дуйся, тёплый véры побóрниче, / и́же тёплым
ра́зумом Христа́ испове́дав / и Сы́на Бо́жия в
дерзнове́нии мно́зем. / Ра́дуйся, вселённыя
ра́дование / и Небе́снаго Ца́рствия ключа́рю, /
благода́ть подава́й любóвию тя чту́щим / и че-
стны́я тво́я вери́ги облобыза́ющим желáнием, / я́ко
предсто́я престóлу всех Ца́ря Христа́, / моли́тву
творя́ о нас, / соверша́ющих па́мять твою́.

И ны́не, Богоро́дичен.

Аще средá или́ пятóк, Крестобогоро́дичен.

Подóбен: Триднёвен:

На Дре́ве Живóт наш зря́щи Всенепоро́чная
Богоро́дица ви́сящ, / ма́терски рыда́ющи, вопи-
я́ше: / Сы́не Мой и Бо́же Мой, / спаси́ любóвию
пою́щия Тя.

На стихóвне стихи́ры Октóиха.

Сла́ва, глас 6:

Па́ки нас тёплый предста́тель совоздвига́ет к
духо́вней трапéзе, / Пе́тр — ка́мень véры, / честны́я
сво́я вери́ги предложив нам, / я́коже снедь^{ва} много-
це́нну, / недúгов во врачевáние, / скорбя́щих во
утеше́ние, / в приста́нище обурева́емых. / Прииди́-
те вси, сия́ облобыза́юще, / то́го Просла́вльшаго
умóлим: / моли́твами его́, Христе́, спаси́ ду́ши на́ша.

И ны́не, Богоро́дичен или́ Крестобогоро́дичен.

Подóбен: Триднёвен:

Ви́дящи Тя распина́ема, Христе́, / Тебе́ Ро́ждшая
вопя́ше: / что страна́ное, е́же ви́жу, та́инство,
Сы́не Мой? / Ка́ко на Дре́ве умира́еши, плóтию
пове́шен, / жи́зни Подáтелю?

Тропа́рь, глас 4:

Ри́ма не оста́вь, к нам пришёл еси́ / честны́ми
вери́гами, я́же носил еси́, апо́столов первопре-
сто́льне. / Имже véрою покланя́ющесе, мо́лимся: /
тво́ими к Бо́гу моли́твами / да́руй нам ве́лию
ми́лость.

НА УТРЕНИ

**Оба канóна Октóиха и апо́стола на 6. Канóн
апо́стола, его́же краегра́не́сие: Петра́ чествую́,
основа́ние догма́т. Творе́ние Ио́сифово. Глас 4.**

Песнь 1

Ирмос: Лицы Израильтестии, / невлажными стопами понт Чермный и влажную глубину прогнавшие, / всадники тристаты враги видяще, в ней погружены, / с веселием пояху: / поим Богу нашему, яко прославися.

Торжествует, ликующи, вся Христова Церковь духом, благохвалящи тя верою / и твою, апостоле первопрестольне, облобызаючи вериги честныя от любви, / яже носил еси связан, связуя мучителя.

Из глубины прелести ловя, Пётре, человеки, / яко рыбы, привел еси тебе Избравшему от рыбарей / истинно в верховнаго всех учеников. / Сего ради вериги, яже носил еси, облобызаем.

Основанием веры всех души верных наздал еси / и, храмы прелести, Пётре, низложив, создал еси Церкви, / ты велегласно чтущия всегда и вериги, яже носил еси.

Богородичен: Оружия вся лстываго врага, Пречистая Дево, / совершенно оскудеша, / отнележе копием уязвися в Твою утробу нескверную вселившееся Слово. / Егоже сладчайшим ныне уязвитися желанием сердцу моему, молю Тя.

Песнь 3

Ирмос: Лук сильных изнеможе, / и немощствующии препоясашася силою, / сего ради утвердися в Господе сердце мое.

Весь Свету соединяся чистейшему, / Того Божественными причащением, свет явился еси вторый, Пётре, / озаряющий души наша.

Законы Христовы утвердил еси и пребеззаконнующую благозаконию научил еси, / яко апостолов верховный, / яко догматов основание недвижимо.

Языком священным проповедал еси Бога, пострадавшего и на Кресте распеншагося. / Сего ради, Пётре, почитаем связавшия тя вериги.

Богородичен: Стояше даже до Тебе смерть неодолимаго стремления: / Ты бо родила еси Источник безсмертия, Богородице Мати Дево.

Конда́к, глас 2.

Подобен: Вѣшних ищя:

Камень Христос каменя веры прославляет светло, учеников первопрестольника: / созывает бо вся праздновати, Пётре, чудеси твоея честныя вериги / и подаёт согрешений прощение.

Седáлен, глас 4.

Подобен: Вознесыйся:

Яко верховнаго мудрых апостолов / и яко ключаря Небеснаго Царствия восхваляем верою тя, апостоле, / и облобызаем чистою совестью, Пётре, яже носил еси, яко злодей, вериги, / злодейства разрушая вражия, / от нихже избавитися нам помолися.

Сла́ва, и ны́не, Богоро́дичен:

Херувимов и Серафимов превъшши, / Небесé же и земли пространнейши / и видимыя твари и невидимыя явилася еси преимущи неразсудным рассуждением: / Егóже бо пространства Небеса не вмещают, / во Твоей утробе вместила еси, Чистая, / Егóже моли спастися рабóm Твоим.

Крестобогоро́дичен:

Из Безначальнаго Отца Рожденнаго, / напоследок Тя плотию Рождшая, / на Кресте висяща зрящи, Христэ,— / увы Мне, любезнейший Иисусе!—вопийше: / Како славимый яко Бог от Ангелов, / от беззаконных ныне человеков, Сыне, хотя, распинаешися? / Пою Тя, Долготерпеливе.

Песнь 4

Ирмос: *Любве ради, Щедре, Твоего образа, / на Кресте Твоём стал еси, и растаяшася языцы: / Ты бо еси, Человеколюбче, / крепость моя и хваление.*

Витийствуя Владыки величия, / непокоривых евреев сердца к вере обратил еси Божественней, / яко основание веры.

Шествия твоя познана быша на водах / преобильною любовью Ходившаго верху сих, Пётре, / и стези тебе Божественныя Сказавшаго.

Врачевство имуще недугов всеразличных, / Божественныя вериги твоя, блаженне, / сия облобызаем верою, ты почитающе.

Богородичен: Яко в палату пространную, /
всѣлся Царь всех во святую Твою утробу, /
явися воплощаемъ, Всенепорочная Владычице.

Песнь 5

Ирмос: Просвещѣние Твое, Господи, низпосли
нам / и от мглы прегрешѣний разреши ны, Блаже, /
Твой мир даруй.

Отцу Собезначальнаго проповѣдал еси Сына
откровѣнием, всехвальне, Божественным / и бла-
женства сподобился еси блаженнаго из уст.

Егда Свет узрел еси, возсиявший на Фаворе,
солнечныя покрывающий лучи, / Светом сущим от
Света озарился еси, Петре, / и верныя просветил
еси.

Мертва триднѣвновавша проповѣдал еси Хри-
ста, / Егоже ради вериги носил еси, Петре. / Имже
поклонитися сподобившеся, благочестно ты чтим.

Богородичен: Отягощеннаго, Пречистая, брѣме-
нем многих грехов, / облегчи мя ныне носити яго,
укрепляючи, Христово легчайшее.

Песнь 6

Ирмос: Возопи, прообразуя погребѣние триднѣв-
ное, / пророк Иона, в ките моляся: / от тли избави
мя, Иисусе, Царю сил.

Стремглавное преславно претерпел еси распя-
тие, / уготовил еси к Небесней стези ноги твоя, /
еюже нас ходити, учениче Христов, укрепи.

Вселился еси в жизнь живущих / и, вяжемъ ея
ради, узы велиара сокрушил еси, связавшаго тя. /
Сего ради чтим твоя вериги.

Моли Владыку, всеблаженне, твоари низпослати
очищѣние, / и мир, и милость славящим тя, / яко
Того ученик искреннейший.

Богородичен: Умерщвления кожных риз совле-
чѣся праотец: / Зиждатель бо в того облачится
от Твоих кровей, / воплотився паче слова,
Всенепорочная.

Кондак, глас 2.

Подобен: В молитвах неусыпающую:

Верховнаго и перваго апостолов, / истины
Божественнаго ученика, / Петра великаго
восхвалим / и того верою целуем вериги, / прегрешѣ-
ний разрешѣние приемлюще.

Икос:

Сла́внаго и вели́каго Господня́ ученика́ / досто́йно кий я́зык челове́ков похвалити возмо́жет? / Егóже бо благослóвне Божéственное Сло́во ублажи́, / кий ум восхва́лит? / Обáче, е́же кто по си́ле стя́жет, / до́лжно е́сть Бо́гу приноси́ти, / сиé же и сотвори́ти покуша́юся. / Но, о празднолю́бцы, / благоче́стно первопресто́льнаго пéсньми увенча́им, / прегрешéний разрешéние приéмлюще.

Песнь 7

Ирмос: Авраа́мстии иногда́ в Вавилóне óтроцы / пéщный пла́мень попрáша, пéсньми зыва́юще: / о́тец на́ших Бо́же, благословéн еси́.

Три́жды отвéрглся еси́ Хри́ста, / тэмже вопроше́нием трикратным исцеля́ет твоé согрешéние, Пётре пресла́вне, / и утверждéние показу́ет мно́гих колеблующихся.

Я́ко у́зник Хри́стов, / сладча́йшим желáнием у́зам разли́чным приобщилъ еси́, / тэмже и тво́им вери́гам, разреша́ющим стра́сти, Пётре, / véрою покланя́емся.

Но́щь глубо́кую лóтаго многобо́жия реши́ши, вселéнную проходя́, / я́коже велича́йшее со́лнце, Пётре, / Хри́стов самови́дче, апóстолов сла́ва.

Сла́ва Хри́сту был еси́, / Сего́ тво́ими удесы́ просла́вил еси́, Пётре пресла́вне. / Тэмже ты сла́вим и связа́вшим ты вери́гам покланя́емся.

Богорóдичен: Соше́дый на зéмлю, я́ко дождь, Дéво, / Богоразу́мием всю напо́й зéмлю / и показá Тя Ангелов всех, Чи́стая, честнéйшую.

Песнь 8

Ирмос: Избáвителю́ всех, Всеси́льне, / посреде́ пла́мене благоче́ствовавшия, / снизше́д, ороси́л еси́ / и научи́л еси́ пéти: / вся дела́, благослови́те, по́йте Гóспода.

Земледéльствуя сердца́, Пётре, жесто́кая, / благоплóднейшая сия́ соверши́л еси́ Дéлателю́ твáри, / ключи́ тебе́ Божéственныя преда́вшему / вяза́ти же и реши́ти согрешéния.

Блажи́м ты, Пётре, всегда́ и тво́й целу́ем вери́ги, / я́же, я́ко злоде́й, носи́л еси́, убива́я зло́бы нача́льника / и связа́уя у́зами тво́ими, апóстоле.

Неуклонным твоим каменем, Пётре, веры / соблюдая Церкви исполнение, / от среды соблазны отжени, Пётре, / и мирное испроси сей, блаженне, устроение.

Узами и страстию пречистою Связавшаго ад и смерть светло проповедал еси, / сего ради, всеблаженне, вериги твою целующе, освящаемся.

Троичен: Якоже чини Горнии, возопийм трисвятыми гласы, / Всевиновнаго Отца ныне славяще, и Сына, и Духа, / Единого Существо, Единую Силу и Единое Действо.

Богородичен: Мысленный Ты свещник* преднаписа пророк, / Божественную свещу, Богородительнице, носящий, / просвещшу पहले омраченныя многими зол омраченными.

Песнь 9

Ирмос: Рождество Твое нетленно явися: / Бог из боку Твоею пройде, / яко Плотносец явися на земли / и с человеки поживе. / Тя, Богородице, тем вси величаем.

Видети сподобился еси дальная, верно надеемая тебе, Пётре, / и трудов почести от Бога Человеколюбца, радуясь, приемиши, / Егоже плотию твоею страсть Божественную изобразил еси.

Яко Божественный ключарь Царствия, / сего отверзи входы верно ты чтущим на земли / и честныя твою целующим вериги, Пётре, / имиже связан, носил еси.

С Сыном сый на Фаворе, гласа Отческаго, Сего являюща, сподобился еси услышати: / Божественным бо Духом, Пётре, / твое сердце очищается преславно озарися.

Нам, любвию ты чтущим и вериги твою целующим, / имиже, Пётре, связан еси, / очищение, и долгов испроси разрешение, / и Царствия Небеснаго наслаждение.

Богородичен: Света жилище была еси, / темже Светом настави мя, Отроковице, омрачена всеми вражиими искушениями, / яко да верую Тя, Всечистая, величаю, Мати Дево.

* свещник — подсвечник

Светилен.

Подобен: Духом во святѣлицѣ:

Верѣгами связана страстѣй мя, окаяннаго, разрешѣи, блаженне, / якоже иногда верѣги разрешѣи Ангел Божий / и от темницы извед преславно заключена ты в ней, / апостолов верховниче, блаженнейше Пётре.

Богородичен:

Дѣво Всенепорочная, Ты позналася еси яко Мати, / яко Бога же и Человека паче естества рождши, / и спасение бысть рождение Твое поющим любовью: / слава подобает, и честь, и поклонение / Троице Неприступней и Божественней.

На стиховне стихиры Октоиха.

Слава, глас 4. Иоанна монаха:

Трикрáтным вопрошением, / еже: — Пётре, любиши ли Мя? — / трикрáтное отвержение Христос исправи. / Тѣмже и к Тайновѣдцу Сѣмон: / Господи, вся вѣси, вся знаѣши, / Ты вѣси, яко люблю Тя. / Тѣмже к нему Спас: / паси овцы Моя, / паси избранныя Моя, / паси агнцы Моя, / яже Своєю кровью стяжах во спасение. / Того моли, Богоблаженне апостоле, / даровати нам велию милость.

И ныне, Богородичен или Крестобогородичен.

Подобен: Яко добля:

Агнца и Пастыря Тя на Древе яко виде, / Агница рождающая рыдаше / и матерски Тебѣ вещаше: / Сыне возжеленнейше, / како на Древе Крестнем повешен еси, Долготерпеливе? / Како руки и ноги Твоя, Слове, / пригвоздишася от беззаконных / и кровь Твою излиыл еси, Владыко?

НА ЛИТУРГИИ

Блаженны от канона апостола песни 3-я и 6-я. Прокимен, глас 8: Во всю землю изыде вещание их / и в концы вселенныя глаголы их. Стих: Небеса поведают славу Божию: Апостол Дейний, зачало 29. Аллилуия, глас 1: Исповедят Небеса чудеса Твоя, Господи, / ибо истину Твою в Церкви святых. Евангелие от Иоанна, зачало 67. Причастен: Во всю землю изыде вещание их:

Молѣтва

О святѣй Пётре, великий апостоле, самовѣдче и сотайнниче Божий, всемо́щною десницею Учителя твоего́ прѣятѣй из вод волнующихся и крайняго потопленія свободѣдшийся! Не забудѣ и нас, убѣгих, в тѣне грехѣвной увязших и волнами житѣйскаго моря заливаемых, подаждь нам твою́ руку крѣпкую, помози нам и удержи нас от потопленія в страстѣх, похотѣх, лжах и клеветѣх. Сотвори и ты с нами мѣлость, тебѣ от Господа явленную, да не в сомнѣнии и маловѣрии изгѣбнем. Научи нас, учителю наш, пролияти слезу́ покая́нія, да плачемся горько дея́ний наших в вѣце сем. И аще твою́ слезу́, в покая́ние излия́нную, мѣлостію Своєю́ покрѣи Господь и Учитель твой, испроси́ и нам, с дерзновѣнием апостольским, прощѣнія в бѣести нашей ежечѣснаго от Христа́ отречѣнія. Град сей, ко святѣм стопам твоим повѣрженный, сохрани́ и от прилучающихся ко́зней лукавых врага́ спасѣнія нашего оградѣ; воздвѣгни твою́ преподѣбнии рѣце ко Господу за наро́д наш, да тѣхое и безмо́лвное житіе поживѣм в вѣце сем до часа́, в онь же имать призвати нас Владѣка Господь, наш Судия́ неумѣтный. Ты же, о всехвѣльный апостоле, не отвѣргни во́пля нашего́ и стенаний к тебѣ о заступленіи нас пред Хри́стом, да вѣну сла́вим Его́ милосѣрдіе к нам со Отцем и Святѣм Дѣухом. Ами́нь.

Поклонение честным веригам святого апостола Петра. Около 42 года по Рождестве Христовом иудейский царь Ирод Агриппа I (внук Ирода Великого) ополчился на святых Апостолов — проповедников веры Христовой. По его приказу был обезглавлен в Иерусалиме апостол Иаков Зеведеев, а вслед за этим заключен в темницу апостол Петр, которому также угрожала смертная казнь. Апостол Петр был скован железными веригами и накануне суда спал в темнице между двумя воинами. Ангел, посланный Господом, разбудил апостола и повелел ему встать; оковы апостола при этом упали на землю, и Ангел вывел его из тюрьмы (Деян. 12, 1—11). (Царь

Ирод Агриппа умер вскоре после этого от тяжелой болезни.)

Иерусалимские христиане взяли в темнице вериги апостола Петра и хранили их, как священную реликвию, передавая из поколения в поколение. Возложением вериг на больных совершались исцеления. Патриарх Иерусалимский Ювеналий (420—450) подарил эти вериги благочестивой императрице Евдокии, супруге императора Феодосия Младшего, которая перенесла их в Константинополь в 437—439 годах. Одну из вериг Евдокия послала в Рим своей дочери, императрице Евдоксии. Последняя построила в Риме храм в честь святого апостола Петра и в нем положила эту святыню вместе с обре-

тенной во II веке в Риме другой веригой, которой апостол Петр был окован перед своей казнью (†ок. 67) по приказу императора Нерона (54—68).

16 января вериги апостола Петра выносились на поклонение верующему народу. Это поклонение совершалось уже во II веке, при Папе Римском Александре (109—119).



В
ТОЙЖЕ
ДЕНЬ

Праведнаго Максима, Христа ради юродиваго, Тотемскаго чудотворца

Тропарь, глас 4:

Непорочным священством Бóгови послужив, /
посредѣ мирскаго мятежа юродство избрал
еси, / взем бо крест, последовал еси Христу
невозвратным помыслом / и, с любовью к Немю
добродетельми приближаясь, / земная оставив,
Небесная восприял еси, / блаженне Максиме, отче
наш, / моли Христа Бóга / сохранитися граду
Тотме невредиму / и спастися душам нашим.

Слава, и ныне, Богородичен: Еже от века
утаенное:

Канон, глас 8.

Песнь 1

Ирмос: Песнь возлѣм, людіе, / чудному Бóгу
нашему, / свободившему Израїля от работы, /
песнь побѣдную поюще и вопиюще, / пойм Тебѣ,
Единому Владыце.

Приими молѣние, Христѣ мой, менѣ, недостойна-
го, / и отверзи ми недоумѣнный ум и язык, / да
возмогу Твоего угодника Максима воспѣти про-
славлѣние.

В Вышних предстою Престолу Вседержителя,
блаженне Максиме, / испроси совершающим свя-
щенное твое торжество грехов оставлѣние, / да
воспоѣм песнь Единому Владыце.

Предстояще днесь на мѣсте погребѣния твоего, /
просим, Максиме, отче наш, / получитьи твоими
молитвами от злых избавлѣние и недугов исцелѣ-
ние.

Богородичен: Владычице Пречистая, рождающая
Спаса всех Господа, / утоли страстей наших лютое

смущение / и тишину подаждь невозмутимую, / да Тебе, Богородице, непрестанно величаем.

Песнь 3

Ирмос: *Страх Твой, Господи, / всади в сердца раб Твоих / и буди нам утверждение, / Тя во истине призывающих.*

От юности твоея, отче наш, имея начало премудрости — страх Божий, / даже и до кончины соблюл еси, / Бога Помощника себе призывая.

На земли предстоял еси Престолу Божию во страхе и смирении, / Безкровная Жертвы принося Богу, блаженне Максиме, / и милостива Того нам соделовая.

С верою и любовью тебе призываем в молитву, праведный Максиме, / умоли Всеблагого Бога, / да избавит нас от всякия напасти и геенскаго мучения.

Богородичен: *Сниде во утробу Твою Владыка и Господь воплощаемь, Владычице Всепетая, / да избавит от прелести род человеческий / и Царствия Своего сподобит нас.*

Песнь 4

Ирмос: *Услышах, Господи, / смотрения Твоего тайнство, / разумех дела Твоя / и прославих Твое Божество.*

В чистом сердца стремлении о людех принося молитвы, святе Максиме, / благопотребная испросил еси от Бога, / прославляя Того величие.

Апостольский глас, Максиме, уразумев, / яко отречение* миру есмь, / Христа ради сам себе всем в поправление вменил еси.

Притекаяюще днесь к тебе, вопиём ти: / блаженне Максиме, испроси нам грехов оставление.

Богородичен: *Недоумение предлежит от обышедших нам зол, Пречистая Владычице, / но избави от сих скоро, / к Тебе бо единой прибегаем.*

Песнь 5

Ирмос: *Просвети нас повелении Твоими, Господи, / и мышцею Твоею высокою / Твой мир подаждь нам, / Человеколюбче.*

* отречение — сор

От младенчества просветився душею, / в мятёжех благоотышное житие стяжати потщался еси, / воспевая Единого Человеколюбца.

Наготою телесною, якоже багрянницею, мняше себе одяна быти, / в зиме, якоже в лете, пребывая, вопиял еси, праведный Максиме: / благодарю Тя, Человеколюбче.

Добротою духовною сияя, / обнаженных нас всякого дела благаго / покрый представительством твоим, всеблаженне Максиме.

Богородичен: Умерщвленную мою душу страстьми скверными оживи, Всенепорочная, / Живота — Спаса рождающая, / и к стези спасительной и блаженному житию направи.

Песнь 6

Ирмос: Молитву пролию ко Господу / и Тому возвещу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Якоже Иона от кита, тако и ты, отче, от мирских мятёжей буйя восприял еси / и в подвизе юродства к Небесным преселился еси.

Безстрастием украшаяся, Максиме, / яко безплотен, на земли пожил еси, / поругания и досаждения претерпевая, о досаждающих молил еси: / Господи, не постави им греха неведения.

Яко восприял еси благодать, отче, / молитися ко Господу о людех и граде твоём Тотьме, / да сохранит его невредима и избавит нас от искушений и бед, / да вси радостно празднуем святое твоё преставление.

Богородичен: Поём Тя, вернии, Богоблагодатная Владычице, / Превечнаго Бога плотию рождающая, / Егоже умоли, Пречистая, граду и людем Твоим в мире спастися.

Кондак, глас 4:

Божественному гласу последуя, / возревновал еси наставляти паству свою / не мудростию слова, но буйством жития безмятежнаго, / непрестанными молитвами и слезными струями / душу и тело омывая, / воздушными стихиями плоть изнурая, / темже и по смерти чудесы ты Господь

прослави, / да с верою зовём к тебе: / радуйся, Богомудре отче наш Максиме.

Икос:

Како возможем восхвалити равноангельское житие твоё, / и исповедати многое твоё терпение, и смирение, и тёплым ко Христу молитвы? / Но яко благосердному и незлобивому пастырю / и Богомудрому отцу приносим похвалы сицевая: / радуйся, пресветлая звездó, на севере добродетельми возсиявшая / и полунощныя страны озарившая; / радуйся, возненавидевый светный мир, / Христа же единого всем сердцем возлюбивый и Тому неуклонно последовавший. / Радуйся, яко буйственное и юродственное, по апостолу, жителство избравый; / радуйся, пременивый тленная и скоропреходящая надеждою будущих вечных благ. / Радуйся, праведному Иову уподобивыйся терпением; / радуйся, подвижнике Христов непобедимый, / но побеждаяй козни диавола своим смирением. / Радуйся, якоже древний Лазарь убогий, ныне почиваеши на лоне Авраамли; / радуйся, и по отшествии твоём от мира сущим в бедах готов заступник обретаеши. / Радуйся, всегда в молитвах усердно ты призывающим скорый помощник являеши; / радуйся, Богомудре Максиме, отче наш.

Песнь 7

Ирмос: *Отроцы еврейстии в пещи / попраша пламень дерзновенно / и на росу огонь преложиха, вопиюще: / благословен еси, Господи Боже, во веки.*

Нескверну доброту душевную соблюл еси ума чистотою, / буйство мира избрав, да Богу премудр явившись, вопия: / благословен еси, Господи Боже, во веки.

Пещь страстей и пламень искушений росю молитв твоих погасив, отче Максиме, / ангельски на земли пожил еси, вопия: / благословен еси, Господи Боже, во веки.

Украси тебе Троица, блаженне Максиме, венцем правды за труды и подвиги твои, / Ейже в веселии вопиеши: / благословен еси, Господи Боже, во веки.

Богородичен: Яко престол огнезрачен, Царя ношиши твари, / Егóже умоли, Дево, со блаженным Максимом Царствия Небеснаго сподобити нас, / песнословящих верно предстательство Твое.

Песнь 8

Ирмос: Ангели и Небеса, / на Престоле Славы Седящаго / и яко Бога непрестанно славимаго / благословите, пойте / и превозносите Егó во веки.

Безплотных жительству на земли подражая / и любовь к Богу и ближнему нелицемерну имея, / вину зывал еси: / благословите, пойте Господа и превозносите во вся веки.

Небесныя красоты возлюбив, земная пристрастия отринув еси / и, достигнув Горняго чертога, со святыми зываеши: / благословите, вся дела Господня, Господа.

В райския селения преселився ныне, / у Престола славы со Безплотными лики предстоиши / и с ними хвалобную песнь вопиеши: / да благословит всяка тварь Господа и превозносит во веки.

Богородичен: Помощи, еже от Тебе требующия, не презри, Дево, / поющия и превозносящия Тя во веки.

Песнь 9

Ирмос: Благословен Господь, Бог Израилев, / воздвигнувший рог спасения нам / в дому Давидове, отрока Своего, / в нихже посети нас Восток с высоты / и направил ны есть на путь мира.

Благословен Господь Бог, прославивый на земли память твою, блаженне Максиме, / и град твой Тотму просветивый житием твоим, / якоже лестницею, наставляя к Небесным добротам.

Подвигом добрым подвизался еси и праведным сном почил еси, / да и по кончине своей полезная всем подаеши, / с верою к тебе притекающим и просящим скорого заступления, блаженне Максиме.

Припадающе, вси зываем к тебе, блаженне отче Максиме: / испроси Церквам соединения, христоробивым людем на супостаты одоление, / миру всему умирение и душам нашим спасение.

Богородичен: Владычице и Мати Избавителя, / прими моление недостойных раб Твоих, / да ходатайствуеши к Родшемуся от Тебе. / О Владычице мира, буди Ходатаица.

Молитва

О преблаженне и досточудне угодниче Божий, Максиме праведный! Восприяв благодать Святаго Духа, पहले послужил еси непорочным священством Пресвятей Троице, предстоя Престолу Божию и принося о людех Безкровныя Жертвы. Егда же, ко Господу крайним желанием одержим, юродивое житие Христа ради избрал еси, мирския прелести отринул еси, наготою телесною, якоже багрянницею, одяся, солнечный зной и великий мраз с любовью претерпе, подвизаяся во граде Тотме, и сего ради наследовал еси Небесный Чертог в селениях праведных. Но яко имея дерзновение ко Христу Богу, пролей о нас, о святче Божий, теплыя молитвы, да избавимся мы всякия нужды и всякаго сопротивнаго зла. Не престаи молити Слова, Христа Бога нашего, о граде и людех, сохранитися им неврежденным от глады и язвы, огня и меча и от нашествия супостатов. Низпосли с Небесе, о священная главо, преблаженне Максиме, на нас, усердно притекающих к тебе и с любовью лобызающих святый образ твой, мир, благодать и спасение душам нашим, да и мы со всеми святыми наследницы будем Небеснаго Царствия, воспевающе купно Святую Троицу, Отца, и Сына, и Святаго Духа, ныне, и присно, и во веки веков. Аминь.

Святой праведный Максим, Христа ради юродивый, иерей Тотемский, был священником в городе Тотме Вологодской епархии. Он именовался Максим Макарьев сын Попов. Поставленный во иереи, отец Максим проходил добровольный подвиг юродства ради Христа в течение сорока пяти лет, постоянно пребывая в посте, молитве, терпении различных лишений и скорбей.

Праведный иерей Максим еще при жизни был украшен благодатны-

ми дарованиями Божиими. Скончался он в глубокой старости 16 января 1650 года и был погребен при Воскресенской Варницкой церкви города Тотмы. Труженическая и святая жизнь подвижника и чудесные исцеления, истекавшие от его гроба, послужили побуждением к составлению его жития, но оно было утрачено во время пожара в 1676 году. Чудеса у гроба праведника продолжались и в следующем столетии. В 1715 году священник Воскресенской церкви

Иоанн Рохлецов с приходскими людьми обратился к Велико-Устюжскому архиепископу Иосифу (1700—1718, †1720 г.) с просьбой разрешить им поставить гробницу над мощами святого Максима в церкви святой мученицы Параскевы и положить на гробнице образ святого. Владыка дал свое разрешение и благословил слу-

жить молебны, как прочим угодникам Божиим. В то время были еще всем памятны чудеса, совершившиеся у места погребения праведного Максима, и чудеса эти были изображены на клеймах, украшавших гробницу угодника Божия. См.: Исторические сказания о Вологодских святых. Вологда, 1880, с. 664—666.

